

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) i člana 7. Pravilnika o homologaciji vozila, dijelova uređaja i opreme vozila („Službeni glasnik BiH“, broj 41/08) ministar komunikacija i transporta Bosne i Hercegovine donosi

U P U T S T V O

O PROVOĐENJU POSTUPKA HOMOLOGACIJE TIP A VOZILA

(HTV-UP 0.0)

I OPŠTE ODREDBE

Član 1.

Ovim uputstvom uređuje se provođenje postupka homologacije tipa drumskih motornih i priključnih vozila (u daljem tekstu: „vozila“), te oblik i sadržaj obrazaca koji se upotrebljavaju u provođenju postupka homologacije tipa vozila.

Homologacija tipa vozila provodi se za tipove novih vozila koja se proizvode u inostranstvu i uvoze u Bosnu i Hercegovinu, kao i u Bosni i Hercegovini proizvedenih vozila ako je serija predmetnog tipa veća od 10.

II PROVOĐENJE POSTUPKA HOMOLOGACIJE TIP A VOZILA

Član 2. (Zahtjev)

Zahtjev za provođenje postupka homologacije tipa vozila podnosi Ministarstvu komunikacija i transporta Bosne i Hercegovine (u daljem tekstu: „Ministarstvo“), putem organizacije određene za obavljanje administrativnih poslova iz oblasti homologacije (u daljem tekstu: „tijelo za homologaciju“), dobavljač (u daljem tekstu: „podnosilac zahtjeva“) na obrascu koji je dat u Prilogu 1. ovog uputstva i čini njegov sastavni dio.

Za svaki tip vozila podnosi se poseban zahtjev.

Dobavljač u smislu stava 1. ovog člana je proizvođač ili njegov ovlašćeni zastupnik u Bosni i Hercegovini.

Zahtjev iz stava 1. ovog člana može podnijeti i proizvođač čije je sjedište izvan Bosne i Hercegovine (inostrani proizvođač).

Član 3. (Prilozi)

Uz zahtjev iz člana 2. ovog uputstva podnosilac zahtjeva prilaže:

- original ili ovjerenu kopiju ugovora koji je podnosilac zahtjeva sklopio sa proizvođačem vozila sa prevodom na jednom od zvaničnih jezika u Bosni i

Hercegovini ili original potvrde proizvođača vozila da postoji takav ugovor sa prevodom na jednom od zvaničnih jezika u Bosni i Hercegovini;

- ovlaštenje za preduzimanje radnji u postupku homologacije u Bosni i Hercegovini izdato od proizvođača vozila sa prevodom na jednom od zvaničnih jezika u Bosni i Hercegovini;
- popunjen odgovarajući obrazac o tehničkim podacima vozila (za vozilo uzorak koje predstavlja tip vozila za koji je podnesen zahtjev; za varijante i izvedbe tipa vozila koje se razlikuju od vozila uzorka);
- spisak homologacijskih saopštenja (odobrenja) i/ili oznaka za vozilo uzorak, te za varijante i izvedbe tipa koje se razlikuju od vozila uzorka, kao proizvođačev dokaz o udovoljavanju vozila, opreme i dijelova vozila propisanim uslovima; kao i spisak alternativnih homologacijskih saopštenja (odobrenja) u slučaju ugradnje iste opreme, sastavnih dijelova i/ili posebnih tehničkih jedinica različitih proizvođača (sa različitim homologacijskim oznakama);
- pojedinačna homologacijska saopštenja navedena u spisku (spiskovima) iz prethodne tačke ovog stava;
- spisak varijanti i izvedbi tipa vozila, uključujući proizvođačevu oznaku varijante i izvedbe i komercijalni naziv, te objašnjenje upotrijebljenih slovnih i brojčanih oznaka u strukturi oznake varijante i izvedbe;
- VIN oznaka i identifikacijska pločica proizvođača, uključujući objašnjenje strukture i mjesto postavljanja VIN oznake (slika/crtež i opis), te objašnjenje sadržaja i mjesta postavljanja identifikacijske pločice proizvođača (slika/crtež i opis);
- dokaz o plaćenju naknadi za provođenje postupka homologacije i administrativnoj taksi.

Ako je za tip vozila proveden jedinstveni postupak homologacije tipa vozila predviđen za zemlje Evropske unije („WVTA-Whole Vehicle Type Approval”), u daljem tekstu: “jedinstvena evropska homologacija tipa vozila”, podnosilac zahtjeva, uz zahtjev, tijelu za homologaciju dostavlja i:

- kopiju originalnog dokumenta o jedinstvenoj evropskoj homologaciji tipa vozila (WVTA);
- rezultati ispitivanja emisije buke, gasovitih zagađivača i potrošnje goriva;
- COC dokument („Certificate of Conformity”) za vozilo uzorak, tamo gdje je propisano.

U slučaju iz prethodnog stava ovog člana podnosilac zahtjeva ne dostavlja pojedinačna homologacijska saopštenja (odobrenja).

Ako priložena homologacijska saopštenja (odobrenja), i dostavljena dokumentacija, ne sadrže dovoljno podataka za identifikaciju ugrađene opreme i sastavnih dijelova na vozilu uzorku koji su bitni za odgovarajuću homologaciju u pogledu elektromagnetske kompatibilnosti, kočenja, ugradnje svjetlosnih i svjetlosno-signalnih uređaja, emisije gasovitih zagađivača i buke potrebno je dostaviti i priloge odgovarajućih homologacijskih saopštenja (izvještaj o ispitivanju).

Tijelo za homologaciju može, po potrebi, zahtijevati dostavljanje proizvođačeve dokumentacije o vozilu kojom se dokazuje vjerodostojnost podataka navedenih u obrascu o tehničkim podacima vozila.

Ako je dokumentacija navedena u prethodnim stavovima ovog člana na stranom jeziku, tijelo za homologaciju može zahtijevati dostavu ovjerenog prevoda na jednom od zvaničnih jezika u Bosni i Hercegovini.

Član 4.

Tijelo za homologaciju upućuje podnosioca zahtjeva da dopremi vozilo uzorak.

Podnosilac zahtjeva tijelu za homologaciju-tehničkom servisu (za homologaciju tipa vozila) doprema vozilo uzorak.

Član 5.

Tehnički servis obavlja pregled dokumentacije iz člana 3. i vozila uzorka iz člana 4. ovog uputstva, prema Pravilniku o homologaciji vozila, dijelova uređaja i opreme vozila i ovom uputstvu.

Pregledom dokumentacije i vozila iz prethodnog stava ovog člana tehnički servis utvrđuje usklađenost priložene dokumentacije sa zahtjevima propisa za homologaciju tipa vozila u Bosni i Hercegovini, te usklađenost vozila uzorka sa priloženom dokumentacijom.

Tehnički servis dostavlja tijelu za homologaciju tehnički izvještaj o stručnom pregledu tipa vozila i zadovoljavanju/nezadovoljavanju propisanih uslova, na obrascu koji je dat u Prilogu 2. ovog uputstva i čini njegov sastavni dio.

Ako je zahtjev podnesen za više varijanti ili izvedbi jednog tipa vozila sa većim međusobnim razlikama tijelo za homologaciju može zatražiti od podnosioca zahtjeva odgovarajuća dodatna vozila uzorke za pregled.

Član 6.

(Sertifikat o usklađenosti / homologacijski list tipa vozila)

Ako na osnovu opisne dokumentacije, koja sadrži i izvještaja iz stava 3. člana 5. ovog uputstva, tip vozila zadovoljava propisane uslove tijelo za homologaciju, u roku od 30 dana, dostavlja Ministarstvu pripremljen prijedlog sertifikata o usklađenosti tipa vozila, odnosno homologacijskog lista tipa vozila.

Ministarstvo izdaje sertifikat o usklađenosti tipa vozila, odnosno homologacijski list. Sertifikat o usklađenosti tipa vozila dat je u Prilogu 3., a homologacijski list tipa vozila u Prilogu 4., ovog uputstva i čine njegov sastavni dio.

Po potrebi se u prilogu sertifikata o usklađenosti, odnosno homologacijskog lista, iz stava 1. ovog člana, može nalaziti spisak varijanti i izvedbi tipa vozila na koji se odnosi sertifikat, a koji ispunjavaju tehničke zahtjeve koji su važeći u Bosni i Hercegovini. Obrazac navedenog priloga dat je u Prilogu 5. ovog uputstva i čini njegov sastavni dio.

Ako se pregledom opisne dokumentacije i vozila utvrdi da tip vozila ne zadovoljava propisane uslove, tijelo za homologaciju priprema, a Ministarstvo donosi odgovarajuće rješenje kojim se uskraćuje izdavanje sertifikata o usklađenosti, odnosno homologacijskog lista.

Član 7.
(Izjava o usklađenosti)

Dobavljač koji je posjednik sertifikata o usklađenosti tipa vozila, odnosno homologacijskog lista tipa vozila, (u daljem tekstu: “posjednik sertifikata”) za svako pojedinačno vozilo izdaje izjavu o usklađenosti vozila na obrascu koji je dat u Prilogu 6. ovog uputstva i čini njegov sastavni dio.

Izjavom o usklađenosti se korisniku garantuje usklađenost vozila sa homologovanim tipom vozila u Bosni i Hercegovini. Dobavljač može izdati izjavu o usklađenosti tipa vozila samo na osnovu sertifikata o usklađenosti tipa vozila, odnosno homologacijskog lista tipa vozila, izdatog na njegovo ime.

Jedan primjerak izjave iz stava 1. ovog člana ostaje posjedniku sertifikata.

Izjavu o usklađenosti vozila iz stava 1. ovog člana potpisuje odgovorna osoba posjednika sertifikata.

Posjednik sertifikata podatke o izdanim izjavama o usklađenosti vozila, koje moraju biti brojčano označene, mjesečno dostavlja Ministarstvu.

Član 8.
(Produženje)

Sertifikat o usklađenosti tipa vozila, odnosno homologacijski list tipa vozila, važi do promjene zahtjeva u oblasti homologacije tipa vozila za kategoriju vozila kojoj pripada predmetni tip vozila.

U slučaju promjene zahtjeva posjednik sertifikata koji ima namjeru stavljati u upotrebu na teritoriji Bosne i Hercegovine predmetni tip vozila i nakon stupanja na snagu novih zahtjeva iz stava 1. ovog člana podnosi Ministarstvu zahtjev za produženje sertifikata o usklađenosti, odnosno homologacijskog lista.

Zahtjev se podnosi putem tijela za homologaciju na obrascu iz člana 2. ovog uputstva.

Uz zahtjev iz prethodnog stava ovog člana podnosilac zahtjeva prilaže:

- original ili ovjerenu kopiju ugovora koji je podnosilac zahtjeva sklopio sa proizvođačem vozila sa prevodom na jednom od zvaničnih jezika u Bosni i Hercegovini ili original potvrde proizvođača vozila da postoji takav ugovor sa prevodom na jednom od zvaničnih jezika u Bosni i Hercegovini;
- ovlašćenje za preduzimanje radnji u postupku homologacije u Bosni i Hercegovini izdato od proizvođača vozila sa prevodom na jednom od zvaničnih jezika u Bosni i Hercegovini;
- potrebnu homologacijsku i drugu tehničku dokumentaciju kojom se dokazuje ispunjenost zahtjeva iz stava 1. ovog člana u dijelu u kome se oni razlikuju od zahtjeva u vrijeme sticanja sertifikata o usklađenosti, odnosno homologacijskog lista, koji je predmet produženja.

Obim potrebne dokumentacije iz tačke 3. prethodnog stava utvrđuje se u saradnji sa tijelom za homologaciju.

Ako je dokumentacija navedena u prethodnim stavovima ovog člana na stranom jeziku, tijelo za homologaciju može zahtijevati dostavu ovjerenog prevoda na jednom od zvaničnih jezika u Bosni i Hercegovini.

Tijelo za homologaciju može zahtijevati od podnosioca zahtjeva dostavljanje odgovarajućeg vozila uzorka za pregled.

Član 9. (Dopuna)

U slučaju izmjene već homologovanog tipa vozila i/ili uvođenja nove varijante ili izvedbe i/ili izmjene u procesu homologacije tipa vozila dostavljene dokumentacije iz člana 3. ovog uputstva, posjednik sertifikata, podnosi Ministarstvu zahtjev za dopunu sertifikata o usklađenosti tipa vozila, odnosno homologacijskog lista.

Zahtjev se podnosi putem tijela za homologaciju na obrascu iz člana 2. ovog uputstva.

Uz zahtjev iz prethodnog stava ovog člana podnosilac zahtjeva prilaže:

- original ili ovjerenu kopiju ugovora koji je podnosilac zahtjeva sklopio sa proizvođačem vozila sa prevodom na jednom od zvaničnih jezika u Bosni i Hercegovini ili original potvrde proizvođača vozila da postoji takav ugovor sa prevodom na jednom od zvaničnih jezika u Bosni i Hercegovini;
- ovlaštenje za preduzimanje radnji u postupku homologacije u Bosni i Hercegovini izdato od proizvođača vozila sa prevodom na jednom od zvaničnih jezika u Bosni i Hercegovini;
- potrebnu homologacijsku i drugu tehničku dokumentaciju kojom se dokazuje ispunjenost zahtjeva koji se odnose na homologaciju predmetnog tipa vozila u dijelu u kome je već homologovani tip vozila izmjenjen i/ili u kome je izmjenjena dokumentacija iz člana 3. ovog uputstva i/ili u kome se nove varijante i izvedbe tipa razlikuju od već homologovanog tipa vozila.

Obim potrebne dokumentacije iz tačke 3. prethodnog stava utvrđuje se u saradnji sa tijelom za homologaciju.

Ako je dokumentacija navedena u prethodnim stavovima ovog člana na stranom jeziku, tijelo za homologaciju može zahtijevati dostavu ovjerenog prevoda na jednom od zvaničnih jezika u Bosni i Hercegovini.

Tijelo za homologaciju može zahtijevati od podnosioca zahtjeva dostavljanje odgovarajućeg vozila uzorka za pregled.

Član 10. (Novi podnosilac zahtjeva za već homologovani tip vozila)

Ukoliko podnosilac zahtjeva podnosi zahtjev iz člana 2. ovog uputstva za homologaciju tipa vozila za koji drugo pravno lice u Bosni i Hercegovini ili inostrani proizvođač posjeduje sertifikat o usklađenosti, odnosno homologacijski list, tijelo za homologaciju može prihvatiti korišćenje ranije dostavljene homologacijske i druge tehničke dokumentacije iz članova 3., 8. i 9. ovog uputstva.

Uz zahtjev iz stava 1. ovog člana podnosilac zahtjeva prilaže:

- original ili ovjerenu kopiju ugovora koji je podnosilac zahtjeva sklopio sa proizvođačem vozila sa prevodom na jednom od zvaničnih jezika u Bosni i Hercegovini ili original potvrde proizvođača vozila da postoji takav ugovor sa prevodom na jednom od zvaničnih jezika u Bosni i Hercegovini;
- pisanu saglasnost proizvođača vozila za upotrebu dokumentacije iz stava 1. ovog člana sa prevodom na jednom od zvaničnih jezika u Bosni i Hercegovini.

Tijelo za homologaciju može, po potrebi, zahtijevati od podnosioca zahtjeva dostavljanje dodatne homologacijske i/ili druge tehničke dokumentacije.

Ako je dokumentacija navedena u prethodnim stavovima ovog člana na stranom jeziku, tijelo za homologaciju može zahtijevati dostavu ovjerenog prevoda na jednom od zvaničnih jezika u Bosni i Hercegovini.

Tijelo za homologaciju može, po potrebi, zahtijevati od podnosioca zahtjeva dostavljanje odgovarajućeg vozila uzorka za pregled.

Član 11. (Nadgradnja)

U slučaju kada u izradi vozila učestvuje više različitih proizvođača (izrada po fazama), tada se u narednoj fazi izrade može prihvatiti homologacija iz prethodne faze (prva faza je izrada osnovnog vozila na kojem je predviđena nadgradnja, a nadgradnja na tom vozilu je druga faza izrade).

Mora se dokazati postojanje odgovarajućih dogovora između odgovarajućih proizvođača za dostavljanje i razmjenu dokumenata i podataka tako da tip vozila zadovoljava relevantne tehničke zahtjeve svih odgovarajućih pojedinačnih pravilnika. U tom smislu, dokumentacija može biti praćena izjavom proizvođača osnovnog vozila da radovima u drugoj fazi izrade (ugradnja nadgradnje) nisu narušene karakteristike kvaliteta vozila koje mogu uticati na u prethodnoj fazi provedena homologacijska ispitivanja i dodijeljene homologacije.

Izjava iz prethodnog stava nije neophodna ukoliko se proizvođač iz druge faze (u daljem tekstu: nadgrađivač) nalazi na spisku od strane proizvođača osnovnog vozila ovlašćenih nadgrađivača. Spisak ovlašćenih nadgrađivača Ministarstvu, putem tijela za homologaciju, jednom godišnje, dostavlja proizvođač osnovnog vozila.

U smislu ovog člana proizvođač i nadgrađivač su odgovorani za homologaciju i saobraznost proizvodnje sistema, dijelova ili opreme, koje su proizveli ili dodali. Nadgrađivač nije odgovoran za dijelove koji su bili homologovani u prethodnoj fazi, osim u onim slučajevima kada mijenja odgovarajuće dijelove u obimu u kojem je ranije dodijeljena homologacija postala nevažećom.

Homologacija po fazama izrade vozila moguća je kao homologacija tipa vozila i/ili homologacija pojedinačnog vozila.

Član 12.

(Saopštenja o homologaciji/Homologacijska odobrenja)

Kada ne postoje odgovarajuće homologacije (saopštenja o homologaciji, homologacijska odobrenja) za vozila, dijelove i opremu vozila tijelo za homologaciju u saradnji sa Ministarstvom može, na zahtjev proizvođača ili ovlašćenog zastupnika proizvođača, a putem notifikovanih laboratorija za specijalistička ispitivanja iz oblasti homologacije, sprovesti odgovarajuća homologacijska ispitivanja i postupak homologacije na način i u skladu sa odredbama Sporazuma o homologaciji iz 1958. godine, Pravilnika i pojedinačnih tehničkih specifikacija, ECE pravilnika.

Izvještaji o ispitivanju i/ili saopštenja o homologaciji (homologacijska odobrenja) iz stava 1. ovog člana se ulažu u opisnu dokumentaciju u postupku homologacije tipa vozila.

IV PRELAZNE I ZAVRŠNE ODREDBE

Član 13.

Ovo uputstvo stupa na snagu osmog dana od dana objavljivanja u “Službenom glasniku Bosne i Hercegovine”, a objaviće se i u službenim glasilima entiteta i Brčko Distrikta Bosne i Hercegovine.

Ministar

.....
mr sc. Rudo Vidović